



**PREPORUKE**  
**PRAVNIM I FIZIČKIM LICIMA O PREDUZIMANJU PREVENTIVNIH MJERA**  
**ZAŠTITE I SPAŠAVANJA OD PRIRODNIH I DRUGIH NESREĆA**  
**U JESENJEM I ZIMSKOM PERIODU**

S obzirom da je tokom jesenjeg i zimskog perioda povećana opasnost od izbijanja prirodnih i drugih nesreća: poplava, klizišta, snježnih padavina i niskih temperatura, leda i ledenica, jakog vjetra i dr., a imajući u vidu činjenicu da je u prethodnim periodima uočena neadekvatna pripremljenost određenog broja subjekata zaštite i spašavanja u odgovoru na prirodne i druge nesreće, ovim putem preporučujemo svim pravnim i fizičkim licima, da preventivno radi zaštite zdravlja i života ljudi, te materijalnih i kulturnih dobara **ODMAH** preduzmu preventivne mjere koje su im propisane Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10 – u daljem tekstu: **Zakon o zaštiti i spašavanju**) i to naročito mjere koje se odnose na:

- obavezu pravnih lica da donesu planove zaštite i spašavanja i ostala planska dokumenta za svoje djelovanje u sistemu zaštite i spašavanja i da u skladu s tim planskim dokumentima pravovremeno pripreme svoje organizovane snage civilne zaštite (štabove, službe, jedinice i povjerenike civilne zaštite), kao i da te snage opreme sa potrebnom opremom i sredstvima za efikasno i brzo reagovanje na prirodne i druge nesreće koje mogu nastati tokom jesenjeg i zimskog perioda;
- obavezu fizičkih lica za provođenje lične i uzajamne zaštite građana, kao najmasovnijeg oblika pripremanja i organizovanog učešća građana u zaštiti i spašavanju ljudi i materijalnih dobara od prirodnih i drugih nesreća.

Napominjemo, da su prava i obaveze subjekata zaštite i spašavanja utvrđene konkretno u slijedećim odredbama Zakona o zaštiti i spašavanju:

- za građane u odredbama čl. 10. do 22. Zakona o zaštiti i spašavanju,
- za organe vlasti u odredbama čl. 23. do 31. Zakona o zaštiti i spašavanju,
- za pravna lica u odredbama čl. 32. do 36. Zakona o zaštiti i spašavanju.

U navedenim zakonskim odredbama utvrđena su samo osnovna prava i dužnosti, dok su načini ostvarivanja tih prava i dužnosti razrađeni u ostalim odredbama Zakona o zaštiti i spašavanju, na odgovarajućim mjestima, na kojima se regulišu određena pitanja (odredbe čl. 37. do 203. Zakona o zaštiti i spašavanju).



**Apelujemo na sve subjekte zaštite i spašavanja (pravna i fizička lica, organe vlasti, općinske službe civilne zaštite i druge organizovane snage civilne zaštite), da odmah preduzmu navedene preventivne mjere jer će samo tako stvoriti prepostavke za efikasnije i brže reagovanje svih subjekata sistema zaštite i spašavanja u sveobuhvatnom odgovoru na sve buduće potencijalne izazove i prijetnje, a samim tim će se izbjegći velike materijalne štete, kao i brojne povrede i ljudske žrtve.**

**Napominjemo, navedene subjekte, da su dužni ODMAH ČIM primjete ili saznaju za neku opasnost ili pojavu koja može dovesti do nastanka prirodne i druge nesreće, sve podatke o istoj dostaviti Kantonalm operativnom centru civilne zaštite na tel. broj 121, koji radi neprekidno 24 sata svaki dan.**

P.O. DIREKTORA  
POMOĆNICA DIREKTORA

*Elma Bećirović*

Broj: 04-40-1930/20  
Sarajevo, 14.10.2020. godine



---

web: <https://kucz.ks.gov.ba>  
e-mail: [kucz@kucz.ks.gov.ba](mailto:kucz@kucz.ks.gov.ba)  
Tel: + 387 (0) 33 257-330, 257-335  
Fax: + 387 (0) 33 257-336  
Sarajevo, Fehima efendije Čurčića 1